

人物志

廖坤培

號西巖州西人氣宇軒昂詩文秀麗弱冠為名諸生甲辰中本省鄉試副榜辛亥舉人壬戌成進士入翰林丁卯科主試貴州改放學使所取多名下士其後歷顯宦任封疆時稱為得人坤培幼家貧勵志讀書既登鄉榜遷居城內仍閉戶勤苦朝夕不輟狗匪之變縉紳多被拘繫置叅將府署恐其出為己患坤培一日屈膝坐床上時兵團圍賊城中據東山放炮彈子從膝前飛過臂後二人洞胸而死坤培無恙人以是知其必貴賊平進京即入詞館歷清班十餘年官至御史退居林泉又二十年從容頤養壽七十八子五人長倬候選監提舉次侃直隸知州三儀工部主事四俊由廩貢授職廣西象州知州五佺附生候選縣丞六佺監生

馬宗龍

字見田先世以武職起家為州望族父名勛裕由蔭生授職都司歷會川我邊甯越平番諸任勇力善戰

會理州續志

卷下

咸豐末年滇徇不靖率宗龍赴滇投効報捐同知既而勛裕戰歿宗龍哭泣誓必傾家滅賊以報服闋署武定直隸州時滇境徧地皆賊宗龍內守外禦部署有方州境以安裁一年丁內艱歸其時杜文秀據大理賊氛甚熾官兵屢敗滇人楊玉珂練鄉勇以攻文秀頗立戰功既而文秀以大股困之於大姚僅以身免率殘卒數百人遁居會理景莊廟州人恐其窘而擄掠謀逐之宗龍在滇時曾識其面至是餽以糧俾得養其瘡病並資金六百楊由是返滇招集練勇軍威復振再與文秀戰克復大理玉珂為首功因念敗衄時得宗龍力又知其才欲附以大理任當是時雲南缺員統帥既克城池即可便宜委任然後稟知疆臣而督撫亦無以易之宗龍時在家峻拒其使竟不出山玉珂捶胸大呼負負曰我竟不能致見田耶然每當戰勝保案輒首列宗龍故由同知歷保道員留滇補用欽加花翎二品銜玉珂雖累功封侯歷任提鎮而與宗龍音問時通人云宗龍既家居凡州中大徭役益服宗龍之能知人云宗龍既家居凡州中大徭役

及利益地方之事靡不悉心為之而又能出貲財以
為之先城內西北隅若關帝廟呂祖祠馬氏祠倉聖
宮小瀛洲及今之小學堂皆宗龍結撰創建亭沼花
木曲折幽秀稱為名勝雖西人之游歷至會者亦盛
稱其佳構其他山水花草人多珍其繪事然皆人才
之餘技矣

何東銘

號兩菴州西撒連人道光時增生學極淹貫著有遜
水詩稿十卷遜水文稿四卷博採羣書並五屬志及
新舊通志纂輯甯遠府志七十二卷名曰印雋野錄
自謂私撰不敢僭稱府志也東銘甯遠人熟知其處
山川關隘考證確切中多糾正新舊通志之誤體例
森嚴博雅可觀稿藏於家惜後嗣無力刊板

劉純粹

字朴山同治癸酉科舉人世居州西撒連幼時過目
成誦文詞典贍著有印雋雜誌考証古跡及夷務始
末頗詳為座師張香濤
先生所賞詩文俱有稿

劉德光

字小漢先世嘉慶初年避白蓮教亂由簡州遷居州
西丙海父名玠歲貢生從學甚廣每歲遊庠者半出

會理州續志

卷下

四十

其門子弟多入學食餼德光幼好學能文屢薦不售
以廩生援例授劍州訓導俸滿丁內艱歸服闋署大
甯訓導其在任時凡關繫學校之事無不悉心為之
為寒峻所倚重劍州人士謂之生鐵先生卒年七十

三歲

羅文遠

字月陶西路攀蓮溝人家境豐裕逆猗據城自備糧
餉招練鄉勇二千餘人由西山直搗州城乘賊不備
建昌鎮德公見其獨出搃賊畧有殺獲撥帶營兵一
百名隨各鄉團勇攻城以克復功保五品銜儘先
總歸建標補用庚申冬委署大橋汛癸亥秋去任甲
子春石逆過境時文遠家居欲遇其鋒繼見賊勢洶
湧引兵團伏山均揚旂擂鼓賊不知虛實從他道去
建昌鎮滕公嘉其功委署會理專城文遠以病辭

吳鍾崙

號小峯道光己酉拔貢壬子舉人倜儻有氣概狷匪將渡金江報者日數至州牧黃以誣言拒之鍾崙累請防邊黃置不顧既而狷匪抵城旌旗蔽野民皆四竄鍾崙戎裝握刀請黃出禦謂以逸待勞可挫其鋒黃膽落不能言城竟不守鍾崙累赴會試不第辛未自京歸何小宋時督兩江延入幕未幾何以憂去任安徽程觀察聘主深河書院兩載旋里先是鍾崙北上時弟兄子姪食指甚繁遂各分爨既歸復聚之一堂教之讀書不足則濟以諸生脩脯及書畫潤筆故時人稱其孝友家雖不豐而於恤孤寡絕無吝惜著有抱璞軒文稿良園詩集良園瑣記客窗隨筆卒年七十四

會理州續志

卷下

太吉

號義樓歲貢生註選訓導工書能詩瀘峯課藝岷峨覽勝刻有文牛雪橋太守考試五屬時稱其文為甯屬壓卷屢試秋闈未售晚年主講金江書院成就後進尤多品行端方克敦孝友卒年八十

太嘉

號保之恩貢生天性友愛篤志經史屢困秋闈絕意進取授徒必先教以敦品弟子恠其端方相戒不入公門好吟詩有棣華集其哭死云可憐一點傷心淚二老當前不敢流雨亭孝廉北上歸卒於潼關時父母猶在云

鄒晉玟

字珮士歲貢生慨直有才氣為秀才時州牧咸矜重之經理文廟東山書院產業皆使歲有餘積絲毫不苟光緒初赴京朝考報罷就文相國聘文喜其為人方擬保薦卒於京寓人咸惜之

康

鏡

號西山增貢生保舉訓導讀書好古舉動必
以禮法後生衣冠稍不謹飭皆望而退避家
有餘積樂善不倦歷任州牧每與舉善政必
襄助而成居家金桂塘凡親屬貧苦多方為
之植其生路不使失所卒年七十子受煦受
渥受嘉皆少年食餼能守其教

楊景清

號錫侯由吏員加捐縣丞分發雲南補石屏
州吏目疏開黑龍海淤田千餘畝又解釋元
江習戕兩土司私鬪其署甯洱亦有政聲改
補猛曼經歷時任威遠廳吳政刑煩苛至閉
城市官渝城逃清奉委護理極意開市民情
悅服俸滿陞蒙自知縣未赴任卒年七十七
生有胆力昔征徇匪及滇匪瘋匪統團練出
力克復着以五品頂戴身故

王相芝

馬正春

幼習武藝庚申之變從戎征徇匪暨髮匪克
復後着以五品頂戴身故

會理州續志

鄔修業

字敬夫歲貢生賦性孤高仿先哲遺規教授
生徒五十餘年布衣蔬食無求于人晚年重
聽而州人爭相延聘恒恐不允其請

張煥文

字樸庵家貧苦讀遊庠食餼尤有文譽屢薦
不售授徒善誘成就甚多且精堪輿之術嘗
教人不必惑於風水以歲貢生卒

熊登瀛

字海山廩貢生幼習武藝具有肝膽徇逆陷
州城帥鄉團方攻賊壘親犯矢石賊平甯遠
府太守李公受之詳保儒學訓導卒年五十
有一歲

熊登曙

字寅生歲貢生少年食餼鄉闈未售因病弱
家居課徒數十年性好善凡遇利濟事必以
一身肩其任州學正劉輯光以品正行端書
贈其門卒年六十有三歲

會理州續志

孝友

鄔晉瑚

號海青祖達海崇祀鄉賢為州世族幼為名諸生屢薦不售以息貢就職訓導循循孝友人咸樂其和藹後進瞻仰宿學從遊者數百人其弟子如何小宋制軍葉慶恩刺史其最著者卒年八十五子元喜以增貢出任雲南石膏井醴尹

周作豐

號後垣庠生性剛方書法工真草隸篆鄉黨稱其孝友狃匪平保訓導佐勦普夷保陞州判徐春漪州牧調署資州闕聘入幕五載辭歸奉母十餘年省視無缺母歿葬如禮卒年六十八

康受泰

字子安賦性聰穎少年負簞事親竭力喪葬必依古禮金江書院入款豐裕受泰當事不

會理州續志

卷下

四三

以一毫自私厚給膏火多予獎賞寒皎皆知鼓勵成就後進不少為前執事冠狃匪平保舉訓導

賴治安

號策卿讀書有才畧弱冠為名諸生性純篤孝友稱於鄉鄰狃匪既平以善後功保訓導州牧徐春漪聘入幕多所贊畫繼又偕赴江津任以公事受知於崇樸山將軍贈以詩篇楹聯甚多選授益亭訓導治安以母年八旬益亭路隔二千餘里不便迎養辭不赴任侍母終身

孝子

黃德魁

州西橄欖樹農民光緒廿四年家遭火燬其父母年高火烈煙迷不得出魁奮不顧身突入火窟覓之不見出而復入者三竟與其父母同死於火魁父名理

太澤宇

字潤生廩膳幼失怙隨兄清宇勵志讀書敬之如師事母亦曲盡其道光緒三十年各州

縣創辦學堂會理邊遠風氣未開州牧蔣以各處皆有出洋學生因選派澤宇會成都高等學堂選派州廩生康受嘉暨馬彛德廩生同赴日本三人東渡澤宇舊疾忽發費志以歿人皆嘆惜咸憾興學之難云

張

鎔

號鐵生父早卒孀母撫之成立鎔讀書事母以純孝稱應童子試列前茅學使按臨或勸其入場鎔曰使成名而疾增何以處吾母後歸竟不起母亦哀痛而卒

李永吉

字佑之家雖素寒有遠志食餼應鄉試屢蹶就劉軍門聘一載因家貧親老未便遠離辭歸以居積事父母繼而兩兄皆亡食甚繁孀嫂不能給永吉獨分惠衣食撫之成名卒年四十五歲

合宜理州續志

卷下

四

楊名顯

即洪氏子獻廷也幼嫻母訓性嗜經史凡中外古今事蹟無不博覽週知其醫卜星相更其餘技事母至孝兼好施濟惜乎五十四歲而卒未得展其才猷今之後人繁盛皆陰德所致云

蘇喜泰

字燕亭武生善騎射有勇略州境素逼夷巢時出劫掠行旅維艱歷任州牧舉為團總訓練鄉勇羣匪斂迹凡屬夷患州主倚為左右手二十五年勦辦甘相營夷二十九勦辦阿什夷均先後奉府憲檄調以戰功保儘先守備

人物志

壽考

男壽百歲以上

趙文貴 東路毛跳河人 享壽百有四歲

會理州續志

卷下

四五

男壽九十歲以上

王朝舉 壽九十七歲 毛溪屯農民

張銀貴 州西鄉人 現壽九十六歲

儲 秀 州人世春父 現壽九十三歲 四世同堂

八十歲以上

劉昌樹 州西鄉人 現壽八十六歲 妻鄧氏八十一歲

傅崇興 州西鄉人 現壽八十四歲 妻楊氏八十一歲

邱國政 州人 享壽八十二歲

王 鎮 享壽八十一歲 妻楊氏 現壽八十一歲

楊成林 州人廩生政銓祖享壽八十七歲

劉萬全 號脩圃邑武生南鄉人八十八歲壽終

劉宗 邑文生南鄉人享壽八十五歲

莊興亮 號德之正八品頂戴現壽八十二歲

黃綸 享壽八十七歲樂善好施人皆共信

馬哲裕 號知人宗璽父享壽八十八歲

楊崇興 州南鄉五官屯人現壽八十一歲八子廿四
孫五世同堂

劉經邦 南鄉小屯人現壽八十三歲

劉春貴 南鄉小屯人現壽八十五歲

會理州續志

卷下

四六

劉春富 南鄉人現壽八十二歲

馬清佐 州人儘先千總西麟父享壽八十三歲

劉萬全 南鄉張官冲人號修圃邑武庠文生鍾陽父
享壽八十七歲

劉宗 南鄉張官冲人邑文庠巡檢鍾垣父享壽八
十五歲

劉澍 南鄉張官冲人號景淵享壽八十四歲

黃否春 幼習醫理貧富一般施濟現壽八十六歲

女壽百歲以上

賴潘氏

訓導治安母光緒甲午請

旌壽一百有二

劉何氏

元鼎祖母光緒廿二年請

旌享壽一百有

張何氏

武生廷超母享壽一百有一歲

陳陶氏

武生明亮母現壽一百有四歲五世同堂

會理州續志

卷下

四

九十歲以上

周戚氏

州判作豐武職應熊母享壽九十九歲

馬海氏

軍功正春祖母享壽九十八歲

王李氏

雲南潞州知州紹母享壽九十二歲

金鄒氏

雲陽訓導位坤母享壽九十二歲

萬張氏

貢生正魁妻朝峻母享壽九十五歲

吳胡氏

州西鄉人享壽九十九歲

李王氏

文生元春母現壽九十一歲

陳周氏

現壽九十歲

羅何氏 南鄉鳳山營銓母享壽九十五歲

程胡氏 州人利市妻享壽九十四歲

八十歲以上

廖王氏 編脩坤培母享壽八十七歲

馬丁氏 監知事宗璧妻同知鍾麟母享壽八十六歲

甘王氏 州西鄉人現壽八十八歲

龔郭氏 廩生雲麟叔祖母現壽八十三歲

馬胡氏 議叙正八品鎮泰妻享壽八十四歲

馬楊氏 宗楷母享壽八十六歲

會理州續志

卷下

四

劉嚴氏 州南鄉人佐母享壽八十六歲

劉嚴氏 州西鄉人鍾亮妻享壽八十五歲

劉鮑氏 州人鍾廉妻享壽八十一歲

莊羅氏 州人吳亮母享壽八十三歲四世同堂

鮑尹氏 州人光普妻現壽八十一歲

張蕭氏 南鄉鹿廠人現壽八十七歲

楊胡氏 南鄉鹿廠人現壽八十五歲

何陶氏 南鄉鹿廠人現壽八十五歲

田李氏 南鄉鹿廠人現壽八十歲

馬張氏 南鄉鹿廠人現壽八十歲

晏李氏 東鄉太平場人景宣母現壽八十六歲

馬尹氏 州人職員朝良監生朝相思貢生朝欽母現壽八十歲四世同堂

范姚氏 監生仁仲母現壽八十九歲

張邱氏 事姑純孝享壽八十五歲

熊主氏 文生良相母享壽八十四歲

劉嚴氏 南鄉張官冲人佐母享壽八十六歲

劉嚴氏 南鄉張官冲人鍾亮妻享壽八十五歲

劉鮑氏 州人享壽八十一歲

會理州續志 卷下 四九

張劉氏 州人宏才妻享壽八十二歲

鮑尹氏 州人光普妻現壽八十一歲

李嚴氏 城西攀蓮街人現年八十一歲係春圃祖母

藝文

癸巳夏日七十晉七初度適當重遊泮水 子先亦入

州庠賦七律六章徵和 廖坤培

顏已凋朱鬢已皤山林廊廟雨蹉跎君親厚德慚何

補故舊情深愧更多久卧烟霞成痼癖慣耽風月養

天和泮宮再到周花甲 入庠已歷花甲例應重遊泮水 回首光陰感

刹那

豈戀華軒不肯歸玉山山下有荆扉記從世外耽疏

會理州續志

卷下

五十一

散懶向人間問是非卅載蟲生姜氏被頻年蛛冒老

萊衣休休亭畔多風景閒訪雲溪舊釣磯

京闈久賦鹿鳴篇內閣南宮捷報連 內閣大挑籤分湖南知縣

翔步幸趨中祕省置身已上大羅天科名素仰王沂

國供俸誰如李謫仙更有同鄉諸老在玉堂清貴紹

前賢

祥荆西畔夜郎東徧走星軺曲曲通 按臨各屬繞道湖南四川雲南

三按部三年臣節勵持衡兩度聖恩隆 丁卯典試貴州即留學政

講求實學釐文體搜拔真才變士風憶到龍場欽往

哲拜瞻王明陽先生遺像曾將教化法王公

春明清職列詞曹再入西垣氣自豪楓陛仰叨恩眷

渥柏臺空記姓名高御史已將補闕因聞訃旋里宦途久已同鷄

肋家學難期繼鳳毛先免僥倖入學李滿城經手植金江主講

多丹梯直上莫辭勞

笙簫疊勸飲流霞連日演劇隆貺須來敢拜嘉且喜筵賓

歌綠竹還期老圃對黃花三千客至聞聲鶴八十年

來畫足蛇多謝敦槃酬酢意稱觴齊祝壽無涯

會理州續志

卷下

五一

白鷺巢居叅府署有脩然世外之意 宋焱文

皎、邊城鷺風塵安所希祇今雞鷺裏甯愛稻梁肥

軼世盟秋水生涯結釣磯翻、雲外羽有志欲高飛

會理州風土記

徐 昱 价 民

會理州治在成都之南二千里漢曰會無縣明曰會川衛三面界滇環以金江南北相距六百里東西八百里山川險峻之中間以平疇沃壤天時和煖五穀蕃豐坐擁膏腴子孫世守多明代舊族人士俊秀衣冠比於內地蓋南方奧區也州有牧吏目一分司二學正訓導各一蠻夷之長為土千戶今存其七綠營叅府居州治佐以守備汛防三十一所遊擊都司居北路上游蠻夷依山阻險以擄劫殺人為事時或結黨尋仇蟻聚狼奔往來如風雨雖有將吏不能搗其巢穴羈縻之而已冬日多風少雨雪天時如內地二

會理州續志

卷

藝文

五二

月立春後即熱放桃花東西兩路熱尤甚夏時蔬菜俱成熟三月榴花開夏秋多雨不熱所謂夏無暑冬無寒也桃李橙橘石榴甘蔗佛手柑之屬質大於常香色俱佳芭蕉菓味甜如蜜似粵產珍異若陰沉之杉紫色之米野山之朴豆辦之金粉白之銅皆上品也昔人稱雞踰嶺而黑白大渡河以南雞毛皆黑色間有白雞冠羽絕殊內產與嶺表同州境舊多金銀銅鉛各廠近日僅銅鉛數家故閭閻蕭索非乾嘉之風矣山高林深滋為厲毒生癭袋婦女尤多民家時或畜蠱被害者每戕其生州治北自摩挲營白菓灣而下豁然開朗寬二三里或七八里長四五十里為滇蜀往來

一大都會故商賈羣集百貨備臻然俱人力荷擔而至非有舟車
運載之逸也南通滇有五里坡為楊升菴詠梅處若爐殿鳳山營
通安黎溪皆巨鎮東有披沙物產闐闐甲於州境其他姜州窪烏
者堡新街次之西自安甯河而下曰觀音崖曰攀蓮溝曰挂榜曰
撒連曰小河四時暄暖五穀百產之蕃遠勝州郊幅幘之廣中原
大都不逮也邊遠之民終身不至州城往往被虜於蠻夷凌辱於
豪強見侵於盜賊甚至破巢毀卵不得自直於州牧之庭州牧亦
無從知之謂吾民相安無事即可以不治治之不知吾民之冤沉
幽鬱無路自伸者已不止一人不止一家不止一事也何也其為

地遠而勢有所不及也朝廷之法編保甲以衛閭閻以豪右為之
長頃刻之間集眾千人蠻夷亦震攝而不敢輕動然此輩少讀書
不知禮法家富有奴僕恃其居地險遠外侮既禦恣肆勢力竟敢
武斷鄉曲廢滅彝倫致擅殺人官吏無如之何法積久而弊往往
有之嘗謂山居之人恒多強武平時教以禮義習熟行陣聯為一
氣不但衛彼身家并可保障邊陲資國家緩急之用安得有大力
者化其畛域之見釋私仇以急公憤卓然自立於邊荒存其身以
保其父母妻子豈非自強之一道哉惜乎其無遠慮也

明太祖賜像記

徐 昱 价 民

世之變也每出於常情之外世之治也必待夫王者之興故戰國六朝之代世變極矣天特生漢高祖唐太宗以定之宋自南渡以迄於元三百年間中原塗炭天特生明太祖以治之布衣而膺天祿啟數百年太平之運聖人云五百年必有王者興蓋運數使然歟當高祖太宗未遇時有識者已望氣而知之以此知天生聖人其形神氣志迥異羣倫每讀史考其神奇想其儀表雖雄傑如項羽李密不能不心驚而神悚深恨余生之晚莫克覩堯眉舜目以增我智識前不見古人有先我而抱恨者矣夫漢祖唐宗世代湮

會理州續志

卷下

藝文

五四

遙已矣無望不謂五百年以上之明祖余小臣猶得瞻仰其遺容宛然如生此誠異數不可以不記也光緒己亥春余來會川於是五年矣聞胡氏祖某為明初功臣洪武四年偕藍玉伐蜀繼又南征子孫入籍會川家有太祖賜像猶存四月晦日沐浴衣冠肅求拜謁胡生榕啟桺懸軸面八分目左視有神眉高從耳而長中間橫紋一縷如偃月高顴隆準口大容拳唇厚色紅兩口角鬚長二寸剛勁如鍼鬚頭如刀截人中左右濯濯然也兩顙下垂如乳頰豐隆前突最長所謂龍領者即地閣下有微鬚連兩旁長不及寸耳長六二而厚史稱太祖奇骨貫頂頭戴藍巾覆蓋天庭及兩倉不能

見其頂耳上從帽墀微露黑髮一捲兩肩寬厚身服黃袍細花龍紋腰橫玉帶自腹以下毀於百年前故僅存方圖縱橫二尺餘肅立瞻仰真天威不違顏咫尺也面有黑子殆若漢高之股神貌尊嚴唐太宗龍鳳之姿天日之表想亦類是歟明季獻賊之亂蜀中文獻掃地以盡而甯遠荒僻獨免於兵禍居民多明初大臣子孫當時皆以功襲職世其家衣冠禮度猶有古風胡氏自明及今子孫多列膠庠代有顯宦有平甫名衡者嘉靖甲子舉京兆南元名重一時惜早卒刻有文集榕庠生平甫十五代孫也咸豐庚申狃匪據城先後焚胡氏居火皆自滅當時藏賜像於樓猶有呵護之者歟余生五百年後獲覩龍顏不可謂非夙生之幸抑天假以示世之緣也已

景莊王考略

歲貢生 康受泰 子安

州人祀景莊王於西山廟貌巍然為州中之冠儒者多不知其從來今據史書考其大略按王名世隆出南詔考略或曰酋龍出綱目或以名犯太

宗明皇諱故易之也

世長蒙舍詔故國姓蒙氏其俗子承父業即以父名為

氏如成邏皮之子即曰皮邏閣邏

閣之子即曰閣邏鳳之類是也當唐中葉皮邏閣嗣位開元廿

六年入貢於朝玄宗册封為南詔王賜名歸義邏閣歸頗肆鯨吞

六月廿四日火燒松明栲滅五詔而並其地而南詔始強歸義傳

子閣邏鳳邏鳳傳孫異牟尋先是西瀘令鄭回為邏鳳所獲邏鳳

奇其才使其子及孫師之及牟尋嗣立用為相以禮樂化其民以

戰陣教其士絃誦肇興部伍克振時吐蕃強大奴使南詔回勸尋

陽附吐蕃陰附唐貞元十年遂破吐蕃取十六城虜其五王降其

眾十餘萬遣使獻捷唐以袁滋為册封使俾長南詔並封金馬碧

雞之神至是而南詔愈強尋傳子尋閣勸閣勸傳子勸龍晟龍晟

被弑傳弟勸和綱目為勸和南詔考略為豐佑豐佑慕中國風不襲父名故名豐

佑立文苑訓士庶以唐流御史杜元庭主之文教漸盛唐册封滇

王即王父也王生有異徵英毅雄武有囊括蠶食之志嗣位請封

唐以其名犯太宗字明皇以隆諱不行册禮王怒其臣民皆曰

當今各君其國各子其民吾文修武備封不足榮不封亦不足辱

何愠焉王遂繕甲兵訓士卒東取東川南破安南北略地至嘉黎
邛雅以大理為西京滇池為東京闢地數千餘里統屬三十七郡
其勢赫奕威鎮東南南詔至是強倍昔時兵力至於成都雖唐亦
畏之然王雖好武而能尊賢重士通商賈安流亡嘉惠士庶撫綏
蕃夷境宇之中雞犬無驚鴻雁不作有太平之象在位十六年乾
符四年舉兵北出薨於越雋景淨寺滇民念其平日之德立祠祀
之其子隆舜立求和親唐遣李龜年以宗室女安化妻之謚王曰
景莊是其雄長荒服亦有可紀者州境舊屬南詔此廟所由始也
綱目南詔考略唐書具在錄此以俟博雅君子

旌表何氏雙貞碑

學正徐 昱 价民

雙貞者會理文生何自雄之長女次女也咸豐九年冬月獬匪自雲南來州城失守何五陵率團勇禦之巷戰敗沒子自雄繼之亦斃於賊自雄妻王氏聞之偕二女服毒一子接三尚幼哭泣呼號時賊方鳴鑼安民鄰嫗聞幼子聲入室撫之王氏已絕二女伏床下目猶動灌以水大吐得不死嫗慰之曰汝父母畢命弟幼若姐妹再死汝弟無生路矣何氏尚有遺種耶接三雖幼見母氏已亡哭投其姐懷不去賊首桂極富好殺有李燕青者實漢人權勢相亞下令不准殘害州民城中數千家賴以生何氏家既貧賊無所

會理州續志

卷下

藝文

五八

求故二女及弟得從容延餘息於虎狼吞噬之中明年秋州城克復二女皆矢志不嫁撫育其弟終日閉門以女工自給時或不繼并日而食霜晨月夕茹荼自甘嗚呼苦矣提三既長讀書遊庠克繼父志又為之婚配生子實由姐氏之教養而提三亦奉其姐如所生二女皆年近七旬相繼以沒嗟乎五陵父子死於王事不可謂非忠二女不字以存何氏一綫宗祧不可謂非貞天之生人以類相從不沒人善有如是耶夫女子之貞間亦有之未有二女同志始終如一卒撫其弟以有成如二女者建南觀察使黃公錫燾題其居曰貞孝並成人咸榮之前州牧沈上其事 天子嘉之

予以旌表建坊嗚呼
末以貽來哲曰雙貞碑

國家發幽闡微欲以風世愚因述其始

會理州續志

卷

藝文

五九

書劉金氏節烈事

學正徐 星 所民

金氏會理州北關人幼適夫劉超蓬木工客死雲南氏年纔二十遺一子方週歲氏端莊寡言笑撫子事翁姑能盡婦道人見氏青年家貧勸令改醮氏不願翁姑亦不欲其適人魏二名與金與氏鄰居悅氏美欲娶之多方婉求不得戊戌夏日氏翁姑他出竊入氏室逼之氏不許大呼市人畢集欲鳴之官有里保某者從旁解說令魏與氏及翁姑為禮事始寢里保既見氏美他日以厚聘托媒請其姑納氏為妾不允又轉求於氏氏誓之蓋氏雖貧約而矢志堅貞如井水無波以女工奉二老終日閉門不出求婚者雖多

會理州續志

卷下

藝文

六十

而俱不為動也魏二間壁而居朝夕聞氏音響時作牆花影動玉人忽來之想以致夢魂顛倒不得一當有術士教以束草為氏形內裏氏生年月日衣履均照氏為粧飾臨寢呼其名相共枕卧如此百日必能令其改念相從魏信之久而無驗使人以甘言誘氏氏大怒魏計窮轉謀之里保里保挾前忿謂盍脅之以及光緒庚子二月初六日氏獨居魏懷又突入問今日從我乎曰汝無禮至此耶遂投之以刃喉斷血漬滿室如紅雨繽紛子至是七齡驚懼叫呼魏復刃之腸出於腹街鄰奔救魏持刀出氏叔自他歸投刃中其腮氏卒年二十七州牧龍拘詢罰里保出銀五十兩為氏備

衾棺及氏子與叔醫藥之費而磔魏於市
論曰世之季也士民多失其恒產以至閭里之間若氏者矢志柏
舟竟不得遂其生雖文人題詠節烈昭著於當時而亦可悲也夫
彼里保某逾年投井死何天道報施之速若是其不爽也

重修城隍祠碑序

周作豐

古云事非經過不知難既不知其難即前人之勤勞而亦不知也
會邑城隍祠歷前明至今垂五百年崇闕壯麗鄉先輩締造經營
踵事增華其苦心孤詣不知若何始克輝煌如許也自咸豐庚申
滇獮竄踞州城既而鄉團圍攻加以府鎮協勦至辛酉七月賊勢
蹙詐降誘我師入城互相據守八月賊遁燔民居以緩其勢城祠
逼近賊窟先被燬噫數百年堂皇構竟成焦土幸蒙神助盡殲
醜類刺史王公符田承辦善後首先修補城垣委豐襄事公意謂
城所以衛民隍所以衛城即所以衛民有城必有隍有城有隍必

會理州續志

卷下

六二

有神有神必有祠禮云凡禦大患捍大灾者祠之矧城隍之靈之
昭昭也當是時始議即清真寺改作之或又議毀清真寺移置之

豐力贊以清真寺改書院以原書院作學署其城隍祠仍舊址而新

之王公首肯於是糞除廓清鳩工庀材十閱月而大殿寢宮相繼
落成又以龍王廟先年原附城祠亦為賊燬并廓而新之配以玉
壚山神本原任甯遠府李受之觀察命也經費皆由王公壽畫繼
王公者為徐春漪刺史其崇興祠廟與王等癸亥冬籌建樂樓山
門兩廂前後三載餘董其事者豐與賴廣文策卿魏吏員醇菴贊
襄其間功未告竣徐公奉調卸任興津陸明府古棠權州事捐廉

倡募於是穿堂兩廊次第畢舉并花廳兩廡金漆繪飾巍然壯觀
尤賴彭杰生王捷三諸君繼之卒成其事是役也歷時十年之久
經費若干我輩碌碌夙興夜寐不惜筋力曾不若鄉先輩之什一
已覺不勝其勞瘁因而念前人之辛勤不置也所自信者敬謹將
事同邀神貺從此永固金湯共享清平神必福之矣其先後原委
大畧如此爰述其梗概以示來哲而泐諸石

會理州續志

藝文

飛龍關

吳鍾崙

飛龍關崛而起昂然獨立浮雲裏千盤百轉至其巔
遠近羣山土壤耳惟有此山大而高天風刺面冷飈
颺翠嶽龍從不一狀欲寫其狀無兔毫直插或如昆
吾劍鋒利或如琉球刀或如五丁開山之巨斧或如
媧皇斷足之金鰲如旗如傘如冠蓋如虎如豹如神
獒回首寰瀛如指掌林木罡煙爭怒號山之作意逞

會理州續志

卷下

六四

竒怪行人如在天之外濕雲冉冉足間生直欲踏破
三千界書生有志圖凌煙不肯呶唔牖下眠不然文
章自可傳千古何故南船北馬奔馳苦

寫悶

前人

終年冷淡懶於鷗暫在南窗學卧遊斜月應憐孤影
瘦涼雲猶作故鄉秋羈人湖海浮生債到眼鶯花過
客愁我亦緇流面壁者蒲牢夜聽五更頭

即事

前人

海上歸來守硯田休將得失問蒼天閉門不管人間

事寫幅梅花當酒錢

小瀛洲七律四章

知州周士瀚敏卿

陂塘五月早涼天香氣氤氳十畝蓮淺渚幾經來浣
鶴斷雲一片落飛鶯荷花世界瀛洲境楊柳樓臺書
畫船箇裏風光誰管領詩情已上雪濤箋

小小亭臺抱曲橈雨餘天氣暑全消玉華香泛芙蓉
水草閣寒生木板橋苔色一簾新翡翠藤花半架嫩
枝條眼前好景詩中畫風月天成不待描
一角孤城一曲塘西山暮色送蒼蒼尋香遊蝶穿深

會理州續志

卷下

十五

徑掠水來禽曬夕陽歸路不嫌花露滑飛觴共醉竹
風涼年華容易空惆悵回首明湖感倍長

迴廊屈曲對花臺灩澦波浸夾岸苔紅雨叢中三徑
暖綠天深處一窗開觀魚每羨臨流樂聽鳥誰教說
甚來此日間遊須記取卜年石畔幾徘徊

小瀛洲七律四章和周敏卿刺史原韻 馬宗龍

雨餘林霽見青天恰喜新開茂叔蓮小飲花間招野
鶴遙看檻外躍飛鶯清波灩澦鋪雲錦綠柳參差繫
采船仙吏仙才追李杜銀毫染徧縷金箋

萬花深處盪輕桡香氣逼人暑氣消鶴浣波心翻碧
浪魚遊水面戲紅橋新詩艷麗渾無俗美政循良教
有條借問吟壇誰獨步瀛洲圖畫待君描
攜樽緩步到陂塘雨過莓苔一徑蒼荷蓋低垂含曉
露柳煙深鎖透斜陽數叢竹影娛清暇滿架藤陰趁
晚涼到此塵心無半點襟懷淡盪興偏長
玉華池畔築詩臺乘興閒遊步紫苔佳境頻邀遷客
咏新荷爭為使君開窗前把酒臨風坐石上停琴待
月來大好園林欣有主不妨朝暮共徘徊

會理州續志

卷下

六

春陰草堂

周作豐

年華最好釀春陰背郭堂幽愜素心聽月誰拈花片
片讀書人愛柳深深碧甯杯傳千樽酒綠綺煙清一
曲琴草色山光侵檻處半灣山水滌塵襟

夜宿田家 二首

康受泰

野芳看不盡迤邐到山家水曲環栽樹籬疏補種花
滌場堆黍稻剪燭話桑麻此夕襟懷爽開樽興自賒
前題

懶據胡床飲開門暮色蒼山空明月滿夜靜北風涼

古樹飛殘葉寒梅噴晚香今宵無箇事把酒話羲皇
避亂昔界梨園

太 嘉

已入干戈世容身尚有村亂雲迷野徑深樹鎖衡門
境許清風至民皆古道存梨花開未老疑此是桃源
亂後見耕

前 人

披星戴月自謀生繞屋溪流一水盈綠滿西疇煙鎖
翠碧鋪南畝露含青多魚有夢應占熟碩鼠無憂喜
告成幸罷干戈躋樂土能容我輩自躬耕

避亂昔界

太 吉

會理州續志

卷下

六七

深山寄處聊棲遲况味而今只自知靜坐空齋修慧
業閱翻古卷破愁思依農學稼人皆友課姪讀書我
是師幸得桃源堪避亂日長無事自鈔詩

題會理烈婦劉金氏

古越 錢 湟

羣小撓貞節孤嫠敢惜身比鄰逢比匪成義克成仁
寂寂千秋事錚錚一代人請將巾幗志率土勵王臣
前題

前 人

血刃交揮處堅心獨守時艱難完至行慷慨到孤兒
魑魅空膏斧鬚眉愧祝詞何時密勒道杯酒薦江蘼

題劉烈婦

咸遠 吳天成

我友來自天南方袖裏燒蘭吐奇香珠玉皎潔明月
光灑然紅暈齊天長授余端坐一再讀青天白日神
鬼哭斷脰刳腸母與兒陰霾鬱鬱向誰訴攜此頭顱
上呼天投壺大笑來羣仙天上人間十萬里願乘長
風闖闖起上下四旁忽遇之忍把貞情述疇昔昆明
之中有一女停機一一問從起人生會有一死耳便
到百年亦如此死者悲慟胡為乎天地正氣賴之扶
使無魏氏子會無之木百年同腐會無之草百年同

會理州續志

卷下

六

蕪堂堂天下安得多多如此士大夫

東山石龍

徐昱 介民

飛騰幾輩到天邊獨向山中鎮日眠石骨稜稜金帶
鎖龍鱗隱隱露珠圓潛身不作風雲氣得地偏多香
火緣白馬詞前搖尾處池塘春水助蜿蜒

西寺盤松

已毀升庵楹聯猶存

前人

西山遠矚問鴻荒賸有皈依殿宇涼塔勢崢嶸留玉
液佛光閃爍見金章卧雲樹影盤松古隔代楹聯染
翰香在昔銷魂遊宦客重泉遺憾附蒼茫

西山多古墓室人王

氏殞此
未還

越雋道中見鶴有感

知州沈彥模

西冷回首渺烟霞舊是孤山處士家一墜荒陬儕狃
鳥長憐清夢負梅花信知飲啄由天命不竟羈棲閱
歲華爭似呢喃樑上燕烏衣門第競相誇

天竺湧泉

江南余震

仙去相傳幾度秋亭臺惟見故基留當年七樹軒前
月懶向春風照客遊

差次書所見

會理州續志

卷下

六九

陰雲閣結慘黃昏客舍停鞭不掩門遺骨可憐兵火
後纍：冷月委荒村

六月六日浣鶴亭賞荷首二

薊北宋焮文

十丈紅渠百頃波亭亭艷立不勝羅凌雲仙子初妝
竟出水洛妃帶醉多欲買胭脂留畫本肯將丰韻讓
靈和南風獨占無雙品為問六郎識面何

清潔托根不染塵朱華翠盖兩精神團來金粉嬌新
寵拾得玉環樂解頰天為鍾情開色界我將載酒慶
花辰鶴亭聯句敲驚韻隔座幽香暗撲人

四川通志載宋太祖開寶三年都鬼主阿伏白黎州期以十月令王子入貢成都府以聞都鬼主即唐勿鄧亦曰大路蠻居漢越巂郡會無縣地其酋長自稱百蠻都鬼主詔嘉納之四年黎州定遠兵士構叛聚居鹿角溪阿伏令弟遊擊將軍卑吠等率眾平之詔賜阿伏銀帶錦袍並賜其眾銀帛各百封歸德將軍終宗之世貢獻不絕其族素效順捍禦邊陲為西南一藩籬事載宋史甚詳不能全錄查前志未載此實會理故事今續脩各門無可附入因記其大概於此

會理州續志

卷下

卅

以俟來哲

州學正徐 昱跋

